

INDEX.

deniam superiorem, sicut aliam, respectu ad Rheni descensum habito, inferiorem nuncupant, à quo vtraque vnico miliario distat, à se verò viginti miliaribus Germanicis separata, superiore ad austrum: inferiore verò ad aquilonem posita, aquarum calidarum balneis nobilis est, quarum tam præstans est virtus, vt nulla in orbe terrarum balnea, ad fecunditatem mulierum, magis conducant.

31. **B A I A E**, ciuitas Campaniæ, secus Campanum mare sita, situs amœnitate, & aquarum salubritate celeberrima: ita dicta à Baio Vlyssis focio, illic sepulto. In huius agro aquæ calidæ sunt, & ad voluptatem, & ad varios morbos commodæ. Silius: Docet ille tepentes. Vnde ferant nomē Baiæ, comitemque dedisse Dulychiæ puppis flagno sua nomina monstrat. Horat. lib. 1. Epist. Nullus in orbe sinus Baijs præluet amœnis. Eius nunc vrbis reliquæ marinis fluctibus absorptæ videntur.

40. **B A S I L E A**, Rauracorum vrbs celeberrima, ad Rhenum fluuium, in agro Gallico sita, à Germanis tamen (vt pleraque eis Rhenum loca) habita eadem, aut certè, proxima ei, quæ Augusta Rauracorum, Ptolomæo appellatur.

10. **B I T O R I G E S**, vulgò Burges, metropoleos præcellentia apud Bituriges Galliæ percelebris, vrbs multis Priuilegijs & immunitatibus illustrata, nam antiquitus monetæ percutiendæ ius habuit, tum videlicet, cum per indigenas Bituriges administraretur, vniuersæque regioni imperaret, posteaque principum permissu, in quorum potestatem, vel variante rerum vicissitudine, vel successione hæreditatis, deuenit, retinuit, hætenusque etiam retinet. Omnium verò maximè hanc urbem illustrat, celeberrima & nobilissima, quæ istic est, academia. Ea, primò quidem paruis ab initijs hæccepta sapius interrupta fuit, item deleta. Sed tandem à Carolo Principe, filio & fratre Regis. Biturigum Duce, instaurata est, & auctoritate Pauli secundi Pontificis Maximi, non modo comprobata, sed amplius etiam omnibus facultatibus aucta, à quo tempore, ita à doctissimis viris exulta & continuata est, vt nunc meritò literarum decus, & domicilium quoddam literatissimorum, tota Europa virorum, dici possit. Habet hæc scholam Theologicam, in qua quantum diligentissimi sacrarum literarum professores, religionem & pietatem Christianam iuuent promoueantque, exempla ipsa demonstrant. Viget hæc etiam philosophia. Medicinæ excellentissimi totoque orbe clarissimi doctores huc se vndique conferunt. Ante omnia verò floret hæc adeo Iurisprudentiæ studium, vt eo ferè cæteras Academijs superet. Eius quoniam hæc & fuere semper, & iam adhuc sunt celeberrimi, omniū tota Europa professores, huc discendi causa certatim ex omnibus vndique nationibus adolentes confluunt. Nostra tempestate, clauere hæc: Seruatius Ferdinandus Portugallensis, Andreas Alciatus Mediolanensis, Equinarius Baro, qui hæc etiam sepultus est, Petrus Lorientus, Franciscus Duatenus, Franciscus Balduinus, Hugo Donellus, Iacobus Cuiacius, Claudius Ronfardus, indigena, Petrus Rebuffus præses, & rector vniuersitatis, omnes Iurisprudentiæ professores, Aegydius de Roma, Nicolaus Tabutinus, Simon Agobertus, Doctores & Professores Theologiæ, Melchior & Caymus Germani, Castellanus Episcopus Matisconensis, professores linguæ Græcæ, Carolus Gerardus iam ibi apud Carmelitas linguam Græcam docet, Petrus Buquinnus item linguam Hebraicam. Huiusmodi innumeros habent, adeo vt claritate & celebritate nulli ferè Academia cedat. Magistratus in ea huiusmodi est. Primum omnium locum summamque auctoritatem habet prætor, cuius est, adhibitis Maiore & Scabinis vrbis, de omnibus tam publicis, quàm priuatis causis cognoscere, & decidere. Id primitus erat Maioris & Senatus, qui iam

tantum retinet ciuiliū & criminalium, cognitionem. Prætura illa, non in ciues solum, sed in vniuersum ciuitatis territorium sese extendit. Secundum locum obtinet Biturigum monarcha, quem vulgò, le Bailly de Berry vocant, eiusque vicarius, in summo Bituricensi tribunali. Ad hunc deuoluuntur omnes appellationes tum à Præture Vrbanæ, tum ab omnibus Magistratibus circum vicinis, item ex causâ, quæ Regem concernunt, vt de læsa Maiestate, &c. Præterea istic sedem habet Præfectura totius Ducatus, quam Siege prædial vocant, vernacule. Qui plura & magis particularia de hac vrbe desiderat, legat Ioannem Calamæum, qui sex libris Biturigum historiam vernaculo idiomate persequutus est.

17. **B L A N M O N T**, oppidum Lotharingiæ agri clementia fœlix, quare, plurimos agricolas, hoc est, viros innocentes ac bonos sustentat, elegans est, cum castro imprimis visendo ac splendido, & hortis amœnissimus.

14. **B L O Y S**, Galliæ oppidum admirabili loci amœnitate, cælique clementia, magnifica Regum Francorum arce ac domicilio, nobilitatum. Cuius præterquam tanta sit bonitas agri, vt quam plurimi natalium splendore, opumque affluentia nobiles præstantes viri, ex diuersis, remotisque Galliæ nationibus, cæli puritate allekti, illuc commigrarint, derelictoque soli natali, & patriæ cura posthabita, perpetuam ibi sedem, vitæque domicilium delegerint. Sigillata etiam terra illic effodietur, quæ hætenus in sola Insula Lemno inueniebatur, non tamen in quauis eius insulæ parte, sed tantum in colle quodam Hephæstiadî, ciuitati imminenti: quem etiam Vulcano ipsi sacrum fuisse, fabulantur, eò, quod is à matre de cælo deturbatus, in collem illum feratur decedisse. Cuius fabulæ occasionem præstitit collis eius color, & sterilitas. Nam & exusto similis est, & nullam omnino plantam gignit. Hæc autem terra quo pacto soleat præparari à sacerdote Dianæ, vide Galen. libro nono, de Facultate Simplic. medicamen. vbi meritò reprehendit Dioscoridem, qui putauit terræ huic hircinum sanguinem admisceri. Hodie Sepalsarij, pro terra Lemnia supponunt terram sigillatam. Quicquid enim terræ quotannis colligi potest, ad Turcarum principem defertur: neque vlla ratione ad nos peruenire posset, nisi ille nostros Principes, eorumque Legatos aliquot orbiculis interdum donaret. Verùm sigillata hæc terra, cum in Blesensis oppidi agro, ab eruditissimo viro, & rerum abstrusarum summo admiratore D. Francisco Guerino, primum obseruata sit, & inuenta, eiusdemque sit conditionis atque naturæ, cuius est Lemniaca, non immeritò, vel à loco Blesiaca, vel ab inuatore, Guerinensis, vocabitur, quo perpetua tanti beneficii apud posterios perseveret memoria.

33. **B O N N A**, oppidum ad citerioris Rheni ripas situm, & Colonienfi vrbi ac Confluentino oppido, proximum, Colonienfis diocesis: à Tacito memoratum.

27. **B R I E L I V M**, haud ignobile Hollandiæ oppidum, brachio, ex mari deducto, adiacet, & ostia Mosæ fluminis, vbi se in Oceanum exonerat, in Insula, vulgò *Voorn* dicta. Territorium fertile, habet frumenti, aliorumque leguminum copioso prouentu. Præter hæc admodum fecunda est eius herbæ, quam Bataui Helm, quidam Galeoptin, nuncupant, quæ herba, cum radicem apprimè tenacem hirsutamque altè agat, non obscure naturæ beneficio, arenas in littoribus continet, indeque non minima Hollandiæ, Zeelandiæque paragges, quos vernaculè, *Dyfen* nominant, contra furientis Oceani æstus & impulsus, constituunt. Miram hanc